

卷一

書名 太平經國之書十一卷首一卷 嘉靖二十七年仁和芮氏刊本
 撰者 宋 鄭伯謙 撰，明 陳曉 校
 卷 卷一
 內容分類 經-禮-周禮-宋
 索書號 大木-經部-禮類-12
 編號 A192000

彩色首頁

東洋文化研究所漢籍目錄 編號: A192000

東洋文化研究所漢籍目錄所藏漢籍善本文影像資料庫 索書號: 大木-經部-禮類-12

漢籍善本文影像資料庫文本太平經國之書十一卷首一卷 嘉靖二十七年仁和芮氏刊本

版權所有: 東京大學 東洋文化研究所

使用上的注意事項

太平經國之書卷之一

教化論六典以為民極

永嘉鄭伯謙著後學陳曉校正



或謂周公之序六典也辨方正位體國經野設官分職之
 下每終之以為民極此特建國之始耳未見其有與于民
 也豈可以遽取極于此哉曰先王之教天下未始有精粗
 本也司徒一官名曰教典自今職職而攷之六十
 官大抵皆分畫鄉遂整理田疇征歛財賦職掌山澤
 井門閔之事師田行役祭祀喪紀冠昏鄉射之法
 而巳如鄉大夫州長族黨之職則不過屬民讀邦法師

北軍

中尉兵

三輔之兵番上以充之

南軍

校

射聲北

胡騎南

長水南

虎賁北

八校包南比軍

衛將軍

文帝置後復罷之

扶風

此軍屯於富畝池陽

郡國

有材官騎士

太平經國之書卷之一

永嘉鄭伯謙著後學陳

教化論六典以為民極



或問周公之序六典也辨方正位體國經野設官分職之下每終之以為民極此特建國之始耳未見其有與于民也民何以遽取極于此哉曰先王之教天下未始有精粗本末之間也司徒一官名曰教典自今職職而攷之六十官之內大抵皆分畫鄉遂整理田疇征歛財賦職掌山澤與夫市井門閔之事師田行役祭祀喪紀冠昏鄉射之法而已有如鄉大夫州長族黨之職則不過屬民讀邦法師

氏保氏諫救調媒之職則不過掌國中得失之事其曰十二教曰三物之教曰五禮六樂之教教之條目甚設而教之官屬不詳見焉先王之教固與夫後世事文墨語言誦說傳授者不同也有如王之立朝后之居市朝之居前市之居後公卿大夫之在朝百工商賈之在市人見其爲辨方正位而已經涂之九軌而野涂之五軌宮隅之制而以爲諸侯之城制都之經涂體野涂焉諸侯之經涂體環涂焉人知其爲體國經野而已朝官居朝市官居市鄉大夫王后入市則有罰二鄉則公一人一鄉一人由此而統六逐由此而倡九牧人知其爲設官分職而已孰知其所以

定民之志而爲教之大者固在於此耶夫朝不混市野不踰國人不侵官后不敢以奸王之權諸侯不敢以僭天子之制公卿大夫不謀商賈之利六卿九牧相屬而聽命於三公夫彼皆民上也皆富且貴焉者也而尺寸不敢踰一毫分守不敢易所以習民於尊卑等衰階級之中消其亡等冒上之心而寓其道德之意蓋孔子所謂吾無行而不與二三子者是以民服事其上而下無覬覦賤不亢貴卑不踰尊舉一世之人皆安于法度分守之內志慮不易視聽純一易直淳龐而從上之令父詔其子兄授其弟長率其屬何往而非五禮六樂三物十二教哉方位國野設官

分職何往而非以爲極哉嘗讀晉之國語每嘆絳之富商民常藩木楨過朝之事以爲富商之饒于財使之澤其車而華其服非不足也而必易車服于過朝之際不敢混然與士大夫無別焉民志之定而中道之存成王周公之遺化固隱然在此也古人教民之意深矣且不獨周公然也康王命畢公以康四海不出于表宅里殊井疆畫郊圻之間周公陳先公風化之由惟在於于耜耨此條桑載績播種稱觥之事孟子以五穀魚鱉不可勝食與使民養生送死無憾爲王道之始韓退之以士農工商之民父子兄弟夫婦朋友之位推而至于宮室桑麻粟米蔬菓魚肉之物

而歸之於道化之原皆此意也後世王制不明道揆法守不立本末源流之論不講而左右前後尊卑貴賤之際聽其相冒而相易類聚群分日用飲食交際文爲之間無復有能寓吾道德之意天下之人旁觀而習見之耳目亂而分守易秉彛者雖不泯滅而生厚者因物有遷矣君臣之間方以因民出治爲美談開設學校置博士弟子員下詔勸學以風勵四方以改易萬民之觀聽儒者又從而諛之曰是有志于教化者名存而實不至疏漏而無統紀可以善人之形而不可以善人之心也上爲文具下爲觀美相與爲欺而已及陷乎罪然後從而刑之以爲示弗率教化

者是罔民也漢事文墨晉尚清談統紀不明同歸于亂太
司徒教典之意六官以爲民極之說誰與講明而告君者

奉天論天官冢宰加官

或問冢宰一官其屬六十顧未始有一事之関乎天者而
冢宰謂之天官何也曰此加官也唐虞稽古建官惟百凡
天地之運化四時之作訛成易事之関乎天者羲和職之
教化禮樂之要兵刑財穀之司虞工納言之職十有五人
之職所以分天下之萬事而治之者也至周以來則省九
官以爲六卿之職又省六子以冠六卿之號以虛名而加
實職行大官漢之官制猶爲近古大

司馬六卿之職武事者彼霍光領尚書耳內主公卿事外
掌四方章奏於司馬何與耶而大將軍之上必冠以大司
馬之名此正祖天官冢宰之故意也或曰古者聖人重天
道伏羲有神龍之瑞故以龍紀官黃帝有慶雲之瑞故以
雲紀官共工以水神農以火少昊以鳥顓帝之後以民則
重黎勾芒祝融后土蓐收玄冥是也帝堯之興以天地四
時則羲和及四子是也帝舜之興以五行則益火稷谷禹
水是也今成王周公之建官攷前世之制而兼其長必若
所謂虛名加實職則事之関乎天者其屬之誰乎曰子以
爲古之大臣其所謂寅亮天地而燮理陰陽者若曆官星



翁文史卜祝之所爲乎凡論道經邦以轉移人主之心術而釐正天下之萬事者皆寅亮燮理也皆對時育物撫五辰而熙庶績者也是故日月之薄蝕百川之沸騰詩人所以刺卿士穀洛之間太子晉以歸咎於執政焉和同天人之際使之無間然者雖聖人之能事而大臣實輔佐之其誰曰人事之非天理也加天官于冢宰之上其尊大臣也雖至其所以責大臣也益深

省官論天官冢宰兼官

或問太宰至旅下士其爲官凡六十有三而爲府者六爲胥與史者皆十有二而爲徒者百有二十何也曰此皆兼官也專官行事則不足兼官行事則有餘矣蓋自唐虞以來禹以司空而兼百揆羲和以二人而兼四岳及舜二十二人之咨則四岳實一人兼之古者官不必備惟其人而已有其人則備無其人則兼是以周官之作實效唐虞之制而官事不攝吾夫子所以深責管仲變先王之法也以三公言之召公爲保周公爲師而太傅無有焉召公實兼之也周公既歿召公爲保而太師太傅無有焉召公寔兼之也不惟此也三公之下實有三少當時不見其人召公又兼之乃同召太保奭芮伯彤伯畢公衛侯毛公是六卿之長召公又兼之蓋一人之身而兼總七職矣抑不惟此

也當是時三公三少既難其人而六卿之官亦不必備周
公以三公兼冢宰召公以三公兼宗伯蘇公以三公兼司
寇畢公毛公以三公兼司馬司空惟成王之季年芮伯彤
伯衛侯寔專領司徒宗伯司寇之職其餘大抵皆兼官也
其大者猶兼而况于百官群有司乎故嘗以周禮攷之二
卿則公一人是三公兼卿老也一卿則卿一人是六卿兼
卿大夫也軍將皆命卿是六卿又兼六軍之將也甚者太
公以太師而兼司盟之職載在盟府太師職之是也蘇公
以三公而兼太史之職太史司寇蘇公是也故夫六官之
中以春夏秋冬為通率以多少相乘除太約一官凡五百

人則六官凡三千人而其兼行權攝者意其必相半焉天

卿大夫命士三百五十餘人地官除卿遂山虞林衛司門
同闕不可考尚四百餘人春夏秋三官凡五百餘人是六
官通率之九
三千人也是以局分不必設府史胥徒不別置雖置而

其數亦未嘗過濫也且不見鄉老遂師而下乎府史胥徒
四者俱無有何獨于天官冢宰而疑之也若夫專官行事
執宜多而不宜省則獻人之與甸師其徒皆三百人而春
官御史其史則百有二十八矣

內治論天官冢宰屬官

或問三公與王論道經邦當時下兼冢宰而其所統六十
官之屬徃徃皆士大夫所不屑為之務何也曰此固所以

論道經邦也人徒見夫內外庭宿衛之士士之賤者也烹
庖饔膳之事事之辱者也兼腊酒漿醢醢之物物之微者
也次舍幄帟裘服為末用而宦寺嬪御洒掃使令為冗役
也而不知夫三代以還所以蠱壞人主之心術而侵奪大
臣之權柄者徃徃皆是人為之蓋公卿大臣其內外則有
限其進退則有時不得日侍人主之左右前後也若夫侍
御僕從之人備趨走使令之職而人主燕私玩狎之際無
不與之同焉比其極也則變換其耳目感移其心志伺候
以和其旨夸靡以中其欲小廉小謹以市其信人主一墮
其中則亦何所不至哉故雖以文武之聖而侍御僕從猶

樂于得正人而周公之所以相成王而詔后世者又不獨
見于太宰之屬他日立政之作尤拳拳於綴衣虎賁趨馬
之微焉昔者先王之時宗祝在廟三公在朝三老在學而
前巫後史卜筮鼓舞凡所以在左右者無不致其謹焉用
能保護君心養成聖德宦官宮妾便嬖側媚得以趨走使
令於前而不得以乘間取榮寵竊威福也周公之深智遠
識固有見於此是以亂萌禍機之所在無不究極用見古
人輔相之事業皆格物窮理之學要非屑屑然樂親群有
司之細務而後集權勢以尊已也宮中府中俱為一體後
世識此意者唯諸葛孔明一人而已漢初猶存此意士大

夫所不至者惟後庭耳朝夕出入禁闥洞然無內外之限
故人主親士大夫之時常多而親宦官宮妾之時常少日
見正事日聞正言心安而耳目熟論道經邦之地固造原
立本于此也自武帝宴遊無度於是外庭日踈內庭日親
公卿大夫一切隔絕不接見而小人獨在左右事趨媚矣大
臣無權而小臣專權異時閤內侯騎都督之爵下及于烹
庖樂工醫師之賤至鳴玉而曳組房闈有制政之漸妃妾
起巫詛之風闈寺擅廢立之權夫誰得而制之微物細事
其傾禍毒國至於此烈也而今世儒者顧方不屑意於天
下之細務溺意高遠萃僻而事左異日敗理傷化則徃徃
起人主厭薄之心是故書生之清談而迂闊者不足怪也
論道經邦之事業當於太宰屬官而求之

官吏論六官府史胥徒

或問府史胥徒庶人之在官者也先王之時無曠土無遊
民彼在官者以何人爲之祿足以代其耕也以何祿賦之
以一歲而更耶或終身而充耶抑免其家之徭役與否耶
曰學周禮者其論此固多也而未嘗有愜人意者焉蓋其說
則曰民自民也吏自吏也一日爲之則終身居之此則不
可之大者夫終身爲吏異時既老且死誰其代之謂其子
孫繼之耶則不幸有愚不肖之嗣何以遽服公家之技謂

其子孫不得繼聖則當削其祿而授之田彼素不習農畝
之人何以遽安耒耜之勞苦不然一人為吏則一家世其
祿也先王之祿地固無若是多也後者之來將何以待之
余嘗攷之矣凡起徒役毋過家一人此兵賦之定數也甸
出長轂一乘此車賦之定數也司馬法則曰井十為通通
三十家士一人徒二人通十為成成三百家革車一乘士
十人徒二十人積而至千終則為士徒者四百又積而至
於同則為士徒者三千夫以周官甸法考之甸六十有四
井受田之民五百一十二家矣今士徒乃止千三十何耶
說者以為此調兵之法先王寬民力之意故兵者視農者

而損行者視居者而益不知王畿之兵未嘗輕出何為而
遽發之就如其議則均之為兵耳使居者處其安而行者
處其危得無有未平乎司馬之所征是國府史胥徒之所
出也嘗攷是四者之數于六官之中蓋冢宰一官則二千
六百六十有六宗伯一官則二千三百四十有一司馬則
三千二百六十有五司寇則二千六百五十有七四官之
數固已萬人矣又况地官無常數冬官散落不傳雖權行
兼攝官未必置而府史胥徒未必實有而其數固已多矣
不調諸民而克之其誰實為之哉然則是徒之征其為府
史胥徒之用昭昭也蓋自六卿而至六遂自六遂而達三

等采邑凡受私田而爲民者其有德行道藝則大司徒三年大比而升之升於司徒則不征於鄉其止於有才有力者則大司馬立法而征之更調迭發以給公家之徭役焉其上者爲府爲史其次爲胥又其次則爲徒士以充宿衛下以給官府其在官則祿千四郊其任事則止于一年其受代而去則復業於百畝一人去之一人居之今之爲吏者乃昔日之爲民者也今之爲民者又後日之爲吏者也閭閻之利病田里之囂阨夫家之衆寡馬牛六畜之登耗政事法令之可否上下相諧彼此相恤更處而迭爲之吏無所病於民而民無所苦于吏先王維持天下之政固不惟公卿大夫士而已雖府史胥徒亦有助矣

宰相論太宰建邦六典

或問六卿分職各率其屬見於周官之篇以官府之六屬舉邦治以官府之六職辨邦治見于小宰之職自治典至事典截然分畫宜若一定而不可易今太宰之職顧曰掌邦之六典何也曰此太宰兼行六卿之事也自其分職而言之凡朝廷之事固屬之太宰因中之遠郊近郊大都小都公邑家邑凡郊畿之事固屬之司徒職方氏土方氏以至禪人凡邦國之事固屬之司馬禮屬宗伯刑屬司寇工屬司空自太宰之兼行六卿而言之則六典八法八則八

柄八統九職九賦九式九貢九兩九此十條皆經國之大
綱政事之條目而散見于三百六十官之中太宰實奉其
綱而攝其要焉又非獨曰格物窮理克勤小物而已也蓋
唐虞三代建官之制職事分于下而權綱合于上非泛然
而無統也四岳通內外之官羲和之長也羲和則寔聽於
四岳百揆宰相之職百官之長也九官則寔聽于百揆百
揆統九官四岳四岳統羲和四子比附聯絡天下之治雖
非一二人爲之而寔一二人能使之成周之制亦然三百
六十屬聽命于六卿而六卿聽命于冢宰冢宰寔三公兼
之渙散分析之中而有比附聯絡之勢自今職職而攷之

太史內史掌六典八灋八則八柄之二春官之屬也而典
法之正則在于太宰太僕掌諸侯之復逆小臣掌三公及
孤卿之復逆御僕掌群吏之逆及庶民之復夏官之屬也
而臣民之總則掌於宰夫司士掌朝儀之位秋官之屬也
而治朝之位冢夫掌之泉府廩人倉人掌財周地官之屬
也而貨賄之出入太府掌之內外朝之冗食地官藁人之
職也而宮正內宰則又拘其稍食王朝之服飾春官司服
之職也而內司服至屨人則又掌其服飾之用自宰夫之
下夏采之上六十官之內三百六十官之職錯綜而互見
焉並建六典兼行六卿天下萬事凡有關於理亂安危之

大者則無不合然在其掌握之中也蓋古者三公無官惟與天子坐而論道故設六卿以分主六典而三公實統之三公既無冢宰則六卿之六典非冢宰而誰建耶此事權之所以合于一而國家所以無多門之政自漢以來則失之矣有三公又有六卿而丞相御史未嘗行九卿事觀武帝時桑弘羊等致利王溫舒之屬峻法倪寬等推文學九卿更進用事不關決于丞相而大臣之權盡去矣嗚呼人君之爲天下如欲稽古正名而使事權之合於一苟舍周官未有不泛然無統者矣

太平經國之書卷之一

太平經國之書卷之二

永嘉鄭伯謙著後學陳曉校正

官民論二典官府萬民

或問周有三公有六卿今太宰經理邦國其職則治官府而紀萬民事權之重如此其所以異於三公者如何也曰三公論道燮理而已不親治也况當是時三公既兼太宰則治之事權非大宰典而誰專之太宰建邦六典余嘗論之矣此不復述也太宰之所當論述者則其所主之百官萬民耳然太宰實專主百官司徒實專主萬民學周禮者苟得其說焉則二官節目皆可以迎刃而解也且禮刑政